

kontuola

KONTUOLA, Idolaz elkarte, ANTZUOLA. Kazetaria: Marijo Deogracias, Ainhoa Ugarteburu **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 75. zenbakia. 2001eko otsailaren 16a.

Goienak gestionatuko du Kontuola

Idolaz euskara elkarteak hitzarmena sinatu zuen Goienarekin

Kontuola, Goienak kudeatuko duen beste herri aldizkarietako bat da. Horrela erabaki zuen Idolazek, eta joan den astean hitzarmena sinatu zuen kooperatiba horrekin herriko euskara elkarteak. Hemendik aurrera beraz, Goienak kudeatuko du Kontuola.

Idolaz euskara elkarteak, joan den asteko martitzenean, Goiena Komunikazio Zerbitzuak Kooperatibarekin elkarlanerako hitzarmena sinatu zuen. Miren Karmele Iparragirrek, Idolazeko lehendakariak, sinatu zuen. Hitzarmenaren arabera, Goiena Komunikazio Zerbitzuak Kooperatibak gestionatuko du Kontuola aurrerantzean. Hortaz, Kontuola egingo duen kazetaria Goiena kooperatibako langilea izango da. Dena dela, oraindik ez da erabaki nor izango den herriko berriak jasoko dituen pertsona. Izan ere, Kontuolak itxura aldatuko du maiatzean bailarako beste herri aldizkari guztiek bezala. Goienak egiten duen Goienkariaren barruan joango da maiatzetik aurrera Kontuola eta horrek hainbat aldaketa eragingo dizkio hamabostekariari. Hasteko tamaina aldatuko du: Goienkariaren orrien tamaina hartuko du Kontuolak. Horrez gain, Elgeta eta Bergararekin edizio baten argitaratuko da. Hori dela eta, Bergaran eta Elgetan ere Antzuolako berri jasoko dute eta alderantziz, Antzuolan bi herri horien berri jasoko dugu.

UDALAREKIN HITZARMENA

Goienak Idolazekin sinatu duen hitzarmenez gain, Antzuolako Udalak ere sinatu du beste hitzarmen bat. Martxoaren 15ean izan zen Aramaion.

Hitzarmen horren arabera, Antzuolako Udalak Goienari 2.130.000 pezeta



Euskara elkarteetako ordezkariak sinadura egunean.

emango dizkio aurtan Kontuola eta Goienkaria egiteko.

GOIENA

Idolazek eta bailarako beste euskara elkarteek osatzen dute Goiena Komunikazio Zerbitzuak Kooperatiba: Aramaioko Tirrittola, Arrasateko ARKO, Aretxabale-tako Loramendi, Bergarako Jardun, Elge-

tako Goibeko, Eskoriatzako Axtroki, Gaztagako Gurel eta Oñatiko Laixan.

Hitzarmena Bergarako kultur etxean sinatu zuten joan den asteko astelehenean eta hantxe elkartu ziren euskara elkarte horietako ordezkariak eta Goienako bi ordezkari nagusiak: Estepan Plazaola Goienako lehendakaria eta Mikel Irizar Goienako zuzendari orokorra.

■ ■ ■
Udalak 2.130.000 pezeta emango dizkio
Goienari Kontuola eta Goienkaria egiteko
■ ■ ■

Jose Luis Erostege, "Eltzikorta" euskal presoak

«Gure zeregin bakarria patio orduetan egiten dugun kirola da»


Jose Luis Erostege "Eltzikorta" 1997ko uztailean lehenean atxilotu zuten. Baramatzan beraz, hiru urte eta zortzi hilabete espetxean. Kartzelatu zutenetik, Alcalá-Mecoco gartzelan dago "Eltzikorta". Handik erantzun dizkigu galdera hauek:

Zer moduz zaude?

Gizakiok hiru gauza garrantzitsu daukagu: osasuna, askatasuna eta maitasuna. Osasun aldetik momentuz ondo nabil. Baina norbera jaiotako bitarteko ingurutik ateratzen bazaituzte, ikustera ohituta zeuden mendiak ezin badituzu ikusi, herrian egoteko aukerarik ez badaukazu, nahi denean nahi den tokira joateko askatasuna galtzen bada, senide eta lagunak neri elkartzasuna ekartzeko ehundaka kilometro egin behar dituztela jakitea, kartzela barruko bigabekeriak jasan eta ezintasuna sentitzen denean, aipatutako sentimendu hauek eguneroko ogia direnean, ezin dezaket ondo nagoenik esan. Baina senideen eta lagunak bisitatu eta herritarren elkartzasun adierazpenak maitatua sentiarazten naute, indarrez betetzen dute hemen barruan dagoena. Militantziak ematen duen harrotasuna ere baliagarri gertatzen da egoera honi aurre egiteko eta animoz eta gogoz nago aurrera jarraitzeko eta geurea defendatzeko.

Nolakoa da zure eguneroko bizimodua?

Espetxe hau hiru eremutan zatitua dago: kunplimendu eremua, prebentiboa eta isolamendua. Espetxeratu nindutenetik isolamenduko modulo batean nauten. Nahiz eta espetxe honetan kirole-



Jose Luis Erostege.

gia, tailerrak, eskola, etab. egon, isolamenduko eremuan gaudenok ez daukagu aukerarik parte hartzeko. Makina bat kexa eta errekturto bidali izan dizkiogu zaintzako epaileari, baina orain arte ez digute baimenik eman.

Gure zeregin bakarria patio orduetan (goizean bi ordu eta arratsaldean beste bi) egiten dugun kirola eta paseoak dira.

Patioa 25 pausu luze eta 10 bat zabal da. Ez dago ezertxo ere kirola egiteko, beraz korrika eta gimnasia egitera behartuta gaude. Patioko ordu murriztutan ere ez gaituzte bakean uzten, kamera batez gure eginkizun guztiak grabatzen dituzte, eta bi funtzionariok euren garitatik gure jarduerak jarraitzen dute.

Esan daiteke hemengo bizimodua ziegatik patiora eta patiotik ziegara dela, egunero berdin-berdina eta errutinaz be-

tetakoak. Errutina hau bakarrik apurtzen da lagunak eta etxekoekin bisita jasotzen dugunean (hilean bi aurrez aurreko eta bi astebukaeratan lagunak bisita) edo telefono deiak kenduz gero, beste guztia errutina da, egunero gauza berdina ordu berdinean: goizeko 8etan eguneko lehenengo zenbaketa (ateko zulo batetik begiratuta zenbatzen gaituzte) bigarren zenbaketa, eguerdiko 2:30ean eta hirugarrena 21:30ean.

Jatorduak, berriz, goizeko 8:30ean, bazkaria 13:30ean eta afaria 21:30ean. Jatordu guztiak gure ziegetan egiten ditugu. Eguneroko errutina bezalaxe eguneroko jana ere horrelakoa da: txarra, gaizki gertatutakoa eta koipe ugari.

Hitz gutxitan aipatu behar bada hemengo bizimodua, esan daiteke errutinaz betetakoa dela eta eskubide gutxiakoa.

Ezagunik badago zure inguruan?

Isolamenduko hiru moduloetan euskaldunok, astean zehar, ez dugu harremanik. Zapatu batzuetan, lagunak bisitaren ostean, kideekin egoteko momentu bat edukitzen dugu. Ni nagoen moduloan lau gaude: J.M Gaztelu bergararra, Gorka Garcia Sertutxa getxotarra eta Juanlu Camarero bilbotarra.

Zelako tratua jasotzen duzue? Orokorrean hobera edo txarrera egin du?

Tratua betikoa da. Funtzionarioengana jotzen dugu beharrezkoa dugunean bakarrik. Distantziak gordetzen ditugu.

Gure egoerak txarrera egin du. Lehen baimendutako gauza edo eskariak orain debekatu egiten dizkigute. Espetxeko zuzendaritzak gutako batzuk arra-

ANTZUOLA

Apaintekak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

GOROSTI Taberna

☎ 943 76 62 96
Zurrategi plaza ANTZUOLA



Abialdian, 1977 urtean (zutik, erdian).

■ ■ ■
 «Hainbat herritarrek
 lagundu eta era
 desberdinetan
 elkartasuna adierazi
 didate»
 ■ ■ ■

zoirik gabe bakarka ipini zituen eta gu-
 txienez binaka ipintzeko bi hilabeteko
 txapeoa egin genuen. Gainera, espetxe
 honetatik ere batzuk urrunduak izan dira
 eta, bestalde, gureek espetxe batzuetan
 jasaten dituzten jipoiak ere adierazga-
 rriak dira kartzela barruko egoera neur-
 tzeko. Garbi ikusten da kanpoko egoera
 politikoak hemen ere eragina duela.

**Zer iritzi daukazu Euskal Herriko
 egoeraz?**

Giro iluna sumatzen da. Espainiako
 alderdi garrantzitsuena euren morroien
 laguntzaz eraso orokor bat egiten ari
 zaio Euskal Herriari. Aipatzekoa da ko-
 munikabideak jokutzen ari diren papera
 gatazkan.

Hogei urte pasatu dira Joxe Arregi
 hiltzeraino torturatu zutenetik eta, gaur
 egun ere, atxilotuek tortura jasaten du-
 te, presook sakabanatuta jarraitzen du-
 gu, gure senideak-lagunak sakabanake-
 tarekin zigortzen dituzte. Euskara eraso-
 tua dago, ideiak auziperatzen dituzte,
 langabezia eta lanerako baldintza txar-
 rarak eguneroko ogia dira, eta betikoak
 betikoen lanarekin etekinak poltsikora-
 tzen, eta dena demokraziaren izenean...



Gaur egun preso dagoen Josu Uribetxeberriarekin 1996an.

**Badaukazu zerbait esateko An-
 tzuolako herriari?**

Bai. Espetxean nagoenetik hainbat
 herritarrek lagundu eta era desberdine-
 an elkartasuna adierazi didate: bisitak,
 eskutitzak, postalak, dirulaguntza, gure
 eskubideak defendatzeko borroketan
 parte hartu...

Guztiei bihotz-bihotzez eskerrak

eman nahi dizkiet, urte hauetan hain-
 beste babestu nautelako eta horrelako
 egoera gogorra arintzen ahalegindu dire-
 lako eta gure eskubideak defendatzen
 ahalegindu direlako.


Herritarrak animatu nahi ditut Eus-
 kal Herriaren eskubideak defendatzeko.
 Guztiok apur bat eman dezagun beste
 batzuk dena eman ez dezaten.

Igor eta Txomin



Margoak orokorrean

ANTZUOLA BERGARA
 609 157 131 609 150 164



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espedienteak bideratzen ditugu

Ainhoa Ugarteburu: Korrikako bailarako koordinatzailea

«Domekan kuestazioa egin eta material mahai bat jarriko dugu»

Martxoaren 29an hasiko da Korrika eta apirilaren 2an Antzuolatik pasako da euskararen aldeko lasterketa. AEK-antolatzen du Korrika, eta Debagoieneko koordinatzaile lanetan antzuolar bat ari da: Ainhoa Ugarteburu.

Debarroko Korrika Darduraduna Ainhoa Ugarteburu da. Zer esan nahi du horrek?


Korrika 2 urtean behin egiten den ekintza da, Euskal Herri osoko herrietatik pasatzen da. Aurten, duela bi urte moduan, gure eskualdeko ia herri guztietatik pasako da. Horrek koordinazio bat eskatzen du eta hori da nire lana.

Zer egin beharra daukazu?

Lana zabala da.

Duela bi hilabete edo, gure eskualdeko ibilbidea neurtu genuen, gero kilometroak kontatu eta kilometroak salmentan jartzeko. Hortik aparte, herrietan batzordeak sortu eta dinamizatu egiten dira, horrela "Korrika Kulturala" deritzona herrietara zabaltzeko. Herrietan hilabete honetan ekintza kulturalak antolatzen dira eta denon artean bideratzen ditugu.

Antzuolara noiz iritsiko da Korrika?



Ainhoa ari da Debagoieneko arduradun lanetan.

Gure eskualdean bi sarrera egingo ditu Korrikak, biak egun berean, apirilaren 2an. Antzuolara Bergaratik etorriko da, gaueko 9:30ak aldera, gutxi gora behera. Hortik Urretxu-Zumarragara joko du Korrikak eta gero Legazpira. Urola garaitik pasa eta gero Oñatitik Arrasate, Aretxabaleta, Eskoriatza eta Gatzagatik pasatuko da eta gero arabarrek hartuko dute testigoa.

Zer antolatu duzue bitartean?

Oraindik gauza batzuk lotu barik daude, baina bagoaz poliki-poliki herrian gauzak antolatzen. Adibidez, datorren apirilaren 1ean, domekan, Txan Magoa etorriko da. Domeka honetan kuestazioa egingo dugu eta baita material mahai bat jarri ere, edonork zerbait erosi nahi badu. Apirilaren 2an, bertatik pasatzen den egunean ere, izango dira ekintzaren batzuk.

Zenbat diru jasotzea espero duzue?

Euskal Herri osoan duela bi urte 80 milioi jaso ziren eta aurten beste horrenbeste jasotzea nahi da, Iparraldeko eta Nafarroako AEK bultzatzeko.

Txan Magoa

Korrika Kultureko ekintzen barruan, Txan Mago Handia etorriko da apirilaren lehenean, domekan, arratsaldeko 6:30ean zinetokira. Korrika astelehen horretan bertan etorriko dela eta, aurrekari moduan datorrigu Txan Magoa herrira.



EGUNKARIA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatua eta barnizaketa •

GAILUR

taberna eta gozotegia

Buztinzuri 13 ANTZUOLA
Tf. 943 78 70 32

LARREA

TABERNA

Kalebarren 17
ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industrianako pinturak •
- Paper margotuak •
- Mokatak eta tapizatuak •